



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Economy

Broj: 07-01-04-773/20  
Sarajevo, 13.01.2020. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 29. stav 1. Zakona o ustanovama ("Službeni list RBiH", br. 6/92, 8/93 i 13/94), člana 15. stav (2) Odluke o osnivanju Javne ustanove "Centar za napredne tehnologije u Sarajevu" ("Službene novine Kantona Sarajevo", br. 28/18 i 6/19), člana 14. stav (1) i člana 15. stav (1) Odluke o kriterijima za izbor i imenovanje predsjednika i članova Upravnog i Nadzornog odbora i direktora Javne ustanove "Centar za napredne tehnologije u Sarajevu" ("Službene novine Kantona Sarajevo", br. 45/18, 49/18 i 12/19), ministar Ministarstva privrede Kantona Sarajevo raspisuje

**JAVNI KONKURS**  
**ZA IZBOR I IMENOVANJE DIREKTORA JAVNE USTANOVE "CENTAR ZA**  
**NAPREDNE TEHNOLOGIJE U SARAJEVU"**

**1. Predmet javnog konkursa**

Raspisuje se Javni konkurs za izbor i imenovanje direktora Javne ustanove "Centar za napredne tehnologije u Sarajevu".

Direktora Javne ustanove imenuje Upravni odbor uz prethodnu saglasnost Vlade Kantona Sarajevo.

**2. Opis pozicije**

Direktor Javne ustanove obavlja sljedeće poslove:

- organizuje i rukovodi radom Javne ustanove,
- zastupa i predstavlja Javnu ustanovu prema trećim licima,;
- zaključuje ugovore i vrši druge pravne radnje i zastupa Javnu ustanovu pred sudovima i drugim organima u skladu sa zakonom, statutom i odlukama organa upravljanja,
- organizuje i usklađuje proces rada, predlaže poslovnu politiku Javne ustanove i rukovodi njome,
- priprema godišnje planove,
- saraduje sa nadležnim ministarstvima, industrijskim preduzećima, fakultetima, institutima i laboratorijama, te drugim pravnim i fizičkim licima,
- brine o finansijskom poslovanju Javne ustanove,



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



- podnosi izvještaj o radu sa poslovanjem,
- izvršava odluke i zaključke Upravnog odbora i Nadzornog odbora,
- priprema planove, programe, informacije i izvještaje i iste podnosi na razmatranje i usvajanje Upravnom odboru,
- odgovoran je za zakonit rad Javne ustanove,
- organizuje i priprema materijale za sastanke Upravnog odbora i Nadzornog odbora,
- organizuje i provodi zaštitu na radu i zaštitu od požara,
- odlučuje o pravima i obavezama radnika koja proizilaze iz radno-pravnog odnosa i
- izvršava druge zadatke na osnovu zakona, odluka i zaključaka Upravnog odbora i Nadzornog odbora.

### 3. Način izbora direktora i mandat

Direktora Javne ustanove imenuje Upravni odbor uz prethodnu saglasnost Vlade Kantona Sarajevo. Mandat direktora Javne ustanove traje četiri godine uz mogućnost još jednog uzastopnog izbora. Mandat počinje teći od dana stupanja na snagu rješenja o imenovanju. Mandat direktora prestaje istekom vremenskog perioda na koje je izvršeno imenovanje.

### 4. Uslovi za izbor i imenovanje direktora

Za direktora Javne ustanove može biti imenovan kandidat koji ispunjava opće i posebne uslove.

#### Opći uslovi:

- a) da je kandidat državljanin Bosne i Hercegovine (dokaz: uvjerenje o državljanstvu),
- b) da je kandidat stariji od 18 godina (dokaz: izvod iz matične knjige rođenih),
- c) da kandidat nije otpuštan iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja upražnjene pozicije (dokaz: izjava potpisana i ovjerena od strane nadležnog općinskog organa),
- d) da kandidat nema poslovnu saradnju sa Javnom ustanovom i/ili njegov bliski srodnik, a koja podrazumjeva novčanu naknadu, osim primanja po osnovu radnog odnosa kandidata (dokaz: izjava potpisana i ovjerena od strane nadležnog općinskog organa),
- e) da se na tog kandidata ne odnosi član IX.1. Ustava Bosne i Hercegovine (dokaz: izjava potpisana i ovjerena od strane nadležnog općinskog organa),
- f) da kandidat nije osuđivan za krivično djelo ili za privredni prestup (dokazi: uvjerenje nadležnog MUP-a i uvjerenje nadležnog suda),
- g) da kandidat nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) (dokaz: izjava potpisana i ovjerena od strane nadležnog općinskog organa).



web: <http://mp.ks.gov.ba>  
 e-mail: [mp@mp.ks.gov.ba](mailto:mp@mp.ks.gov.ba)  
 Tel: + 387 (0) 33 562-121, + 387 (0) 33 562-122  
 Fax: + 387 (0) 33 562-226  
 Sarajevo, Reisa Džemaludina Čauševića 1



### **Posebni uslovi:**

- a) da kandidat posjeduje najmanje univerzitetsku diplomu VII stepen stručne spreme fakulteta iz oblasti tehničkih nauka za kandidate koji su visoku stručnu spremu stekli po predbolonjskom sistemu studija odnosno najmanje univerzitetsku diplomu prvog ciklusa studija fakulteta iz oblasti tehničkih nauka za kandidate koji su studij okončali po bolonjskom sistemu studija i najmanje pet godina radnog iskustva na rukovodećim poslovima (dokazi: univerzitetska diploma i potvrda ili uvjerenje o radnom iskustvu na rukovodećim poslovima),
- b) najmanje pet godina radnog staža u struci nakon sticanja diplome visokog obrazovanja (dokaz: potvrda ili uvjerenje),
- c) da kandidat nema privatni finansijski interes u Javnoj ustanovi u smislu Zakona o sukobu interesa u organima vlasti u Federaciji Bosne i Hercegovine (dokaz: izjava potpisana i ovjerena od strane nadležnog općinskog organa),
- d) da kandidat, u trenutku podnošenja aplikacije na upražnjenu poziciju direktora, nije član Upravnog ili Nadzornog odbora Javne ustanove (dokaz: izjava potpisana i ovjerena od strane nadležnog općinskog organa),

### **5. Kandidovanje**

Svi kandidati koji budu stavljeni na listu sa užim izborom biće pozvani na intervju pred Komisijom za izbor koju imenuje Vlada Kantona Sarajevo. Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja. Obrasci će se ispuniti neposredno prilikom intervjuja.

Ni jedan kandidat neće biti stavljen na listu sa užim izborom ukoliko nije povoljno ocijenjen prema kriterijima za imenovanje.

Sve informacije u toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka ("Službeni glasnik BiH", br. 49/06, 76/11 i 89/11).

Nakon intervjuja, Komisija za izbor će predložiti rang-listu sa najboljim kandidatima odgovornom javnom službeniku na daljnje razmatranje. Kandidati koje nakon intervjuja preporučiti Komisija za izbor, smatrat će se da su najuspješnije prošli otvorenu konkurenciju.

U slučaju kada postoje dokazi da principi utvrđeni u članu 3. Zakona o ministarskim, vladinim i drugim imenovanjima Federacije Bosne i Hercegovine ili postupci nisu ispoštovani, zainteresirana stranka može podnijeti prigovor na konačno imenovanje.

Prigovor se podnosi ministru privrede Kantona Sarajevo, a kopija se dostavlja Ombudsmenu za ljudska prava Bosne i Hercegovine.

### **6. Sadržaj prijave kandidata i spisak potrebnih dokumenata**

Kandidati su dužni, uz svojeručno potpisanu prijavu, priložiti biografiju i originalne dokumente ili ovjerene kopije dokumenata ne starije od šest mjeseci, koji su dokaz o ispunjavanju općih i posebnih uslova traženih konkursom, u roku od 15 (petnaest) dana od dana posljednjeg javnog objavljivanja. Konkurs će biti objavljen u "Službenim novinama Federacije BiH", dnevnom



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



listu "Oslobođenje" i na web stranici Ministarstva privrede Kantona Sarajevo web: <http://mp.ks.gov.ba>

**Kandidat treba priložiti sljedeće dokumente:**

1. Prijavu
2. Biografiju
3. Uvjerenje o državljanstvu
4. Izvod iz matične knjige rođenih
5. Izjavu, ovjerenu od strane nadležnog općinskog organa, da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja upražnjene pozicije
6. Izjavu, ovjerenu od strane nadležnog općinskog organa, da nema poslovnu saradnju sa Javnom ustanovom i/ili njegov bliski srodnik, a koja podrazumjeva novčanu naknadu, osim primanja po osnovu radnog odnosa kandidata
7. Izjavu, ovjerenu od strane nadležnog općinskog organa, da se na njega ne odnosi član IX.1. Ustava Bosne i Hercegovine
8. Uvjerenje nadležnog MUP-a da kandidat nije osuđivan za krivično djelo
9. Uvjerenje nadležnog suda da kandidat nije osuđivan za privredni prestup
10. Izjavu, ovjerenu od strane nadležnog općinskog organa, da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08)
11. Univerzitetsku diplomu
12. Potvrdu ili uvjerenje o radnom iskustvu na rukovodećim poslovima
13. Potvrdu ili uvjerenje o radnom stažu u struci nakon sticanja diplome visokog obrazovanja
14. Izjavu, ovjerenu od strane nadležnog općinskog organa, da nema privatni finansijski interes u Javnoj ustanovi u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08)
15. Izjavu, ovjerenu od strane nadležnog općinskog organa, da u trenutku podnošenja aplikacije na upražnjenu poziciju direktora, nije član Upravnog ili Nadzornog odbora Javne ustanove.

Potrebno je da kandidat sve dokumente priloži u originalu ili ovjerenoj kopiji ne starije od šest mjeseci. Dokumentacija se ne vraća.

Napomena: Kandidat koji bude predložen za imenovanje sa rang-liste sa najboljim kandidatima i koji ispunjava kriterije za imenovanje iz javnog konkursa, dužan je dostaviti uvjerenje da nije osuđivan za krivično djelo (uvjerenje nadležnog MUP-a). Navedeno uvjerenje kandidat je dužan dostaviti u roku od 10 (deset) dana od dana utvrđenog prijedloga. Ukoliko predloženi kandidat ne dostavi traženo uvjerenje ili se utvrdi da ne ispunjava uslov po ovom osnovu, predložit će se sljedeći najuspješniji kandidat sa rang-liste sa najboljim kandidatima, koji je takođe dužan dostaviti traženo uvjerenje u roku od 10 (deset) dana od dana kada je predložen.

**7. Ostale napomene**

Prijave na javni konkurs sa svim traženim dokumentima se dostavljaju lično ili poštom preporučeno na adresu: Ministarstvo privrede Kantona Sarajevo - Komisija za izbor, Sarajevo, ul.




web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



Reisa Džemaludina Čauševića broj 1, prizemlje, uz naznaku na koverti: "Prijava za direktora Javne ustanove "Centar za napredne tehnologije u Sarajevu" – NE OTVARAJ". Na poledini koverte navesti ime i prezime podnosioca prijave, adresu i kontakt telefon.

Obrazac Prijave na javni konkurs se može preuzeti u Ministarstvu privrede Kantona Sarajevo, II sprat, soba broj 223 i sa web stranice ovog Ministarstva.

Nepotpune i neblagovremene prijave neće se uzeti u razmatranje.



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

